

OMUKUETU

No. 11

November

1953



EZIMBA EUANAUA LJA KRISTUS 2 Kor. :14-16

Ooverse dika tadi popi iinima mbika, tse tu nokuipula najo: Oshili tuu, tatu sindana tuu aluhe muaajihe? Tu li po tuu ezimba euanaua lja Kristus momagongalo nomomagumbo getu muujuni mbuka? Nena tatu jamukula: Hasho tu li, oshoka ncmujapostoli ta pula: Na ngoka kuoopateela shika otje?"

Ihe iinima mbika otaji vulika uo. Otatu vulu okusindana momamakelo, notatu vulu okusinda oombepo oombuinaji noonkondo duujuni mbuka. Otashi vulika tu kale uo ezimba euanaua lja Kristus muujuni muka. Ihe tatu shi vulu ngini? Nejamukulo ondika: Ongele tamu kalomuenjo mu Kristus, otamu sindana no tamu kala ezimba euanaua lja Kristus. Ihe oku kalomuenjo kuetu mu Kristus okufupi nosho uo okukala kuetu naje. Oshoka oohapu da Kalunga ohatu di lesa kashona no hatu ikalele tuua na Kristus. Onke itatu mono oonkondo muje no katu uapa okuholola ezimba lje noku mu hokolola.

Nge tua hala okukankamena omamakelo nokusindana muulunde nokujambuka mo muuo, nena tu nokutaamba oonkondo mu Jesus auike. Ano omolua shika tu nokugalikana; omoluasho tu nokukalomuenjo mu Jesus. Tashi ti: tu nokulesha nokuuva oohapu da Kalunga aluheluhe nokugalikana.

Oohapu da Kalunga tadi ti: „Otse ezimba euanaua lja Kristus okusimanekica Kalunga, mu mboka taa hupicua nomu mboka taa ka kana. Osho Kalunga ta hala mutse. Ihe ezimba ljetu olini? Aantu nge taa tu tala, taa dimbulula tuu sha sho mu Kristus mutse - ezimba ljuhohole jomu Kalunga?

Mu mbika tamu sindi: Omulumentu ngele ta kuutumba poombiga domalovu, nota nu nokukolua - nena ota nikomalovu. Nezimba ndika euinaji. Omukiintu ti iguaaka omuguajo nomagadi goshide - ota nikiizimba mbi. Nezimba ndika euinaji. Ano, omuntu ta gandja ezimba lja shoka a kuatakana nasho. Nena nge u li mu Kristus moku mu galikana, mokulesha oohapu de noku di uuva - oto vulu okuholola ezimba euanaua lja Kristus. Aantu otaa dimbulula, ua mono sha mu Kristus, nohole ja Kalunga. Osho Kalunga ta tegelele aantu mboka tu li mujo ja dimbulule ohole je mutse, no je mu tsejele mutse. Shika itashi ningua ngele tse ihatu kalomuenjo mu JE,

Nena tatu didilike shika: Katu vulu okukala oonzapo da Kristus ngele itatu kalomuenjo mu JE, no katu vulu okulonga oshilonga shetumo uo. Aashiinda jetu naamboka je li moongamba domagongalo getu otaa kala muupagani, ngele tse katu li aana ja Kalunga aanamuenjo. Aantu nge taa mono omuetjo gua udicua ohole ja Kalunga mutse notua peua oonkondo dokusindana muulunde, - taa pjakudukua ihe ja konge Kalunga nokuipula: tandi vulu ngini okumona ohole ja Kaluuga noonkondo de?

Oshinima oshinene nena, oshika: Tu nokuninga aanamuenjo mu Kristus nokukala muje aluhe. Nena ojalue taa

vulu okuitaala nge tatu ja hokololele Kristus. Onke ano, tsoongolo nokugalikana Omuaa Jesus e ku ninge omunamuenjo, Je e ku ninge to sindi, e to kala ihe ezimba euanaua okusimanekica Kalunga akuhe.

Urho Poikolainen
(Elundululo- T. A.)

LONGELA OMUENE. Eps. 100.

Ovakriste ovaholike, inatu kofeni, ndelene, tu kaleni oupofi, fje tu jeluleni eenjika detu. Oujelele ou uashili u shive okujelele mounjuni ou. Ofua peua oshimpungu mepja la Kalunga tu shi longe. Oiuana ihapu no jopuushiinda jo inaji shiva Kalunga. Olje e noku ji shivifila ehupifo laalushe? Ove tuu to teelua u uanife oshilonga shOmuene.

Tu tandevelifeni evangeli lehupifo ku ava inave li uda. Tu kuneni hano ombuto ei iua tai pumbiua kOmuene uepja, o Jesus.

Festus Haimbodi.

OMUCIMA GUOMBINZI.

Omucima ogu shiuike naua komukuujuni kehe oshoka hatu longica omeja gaguo pamikalo di ili. Ohatu nu, ohatu telekica iikulja jetu, ohatu jogo nohatu ijogo, onomeja tuu.

Omucima guomeja ohashi vulika gu hupue shaa mpoka pua talika pe nomeja no taga adika po oshili. Omucima nguka guombinzi kagu shi guombinzi jiumuna, aue, oguo omucima guombinzi jOmukulili guetu Jesus Kristus: nomucima nguka inagu tsejika kaanuujuni mbuka. Omucima dika adihe, kehe gumue ogu niilonga jaguo. Oonguo dandje ngele da luda ohandi di jogo nomeja, na ohadi kala da jela shili naua ngashi ngame nda hala. Ngele tandi tala onguuo dandje da jela, nena otandi gandja esimano komucima ngoka. Ihe, ondi nomuzalo gumue ngoka gua njenga ndje oku gu koshola nomeja gomucima. Ondi uete nangoje ngele ua luudike omuzalo guje oto njengua oku gu koshola nomeja gokedija

Omuenuo guandje nomuenjo guoje oguo omuzalo ngoka tue gu zalekua ku Tate. Oje kue gu tu pa gua jela ihe oluindji tagu adika gua njata gu udilila oonjata adihe duulunde. Omuleshi omuholike, omuenjo guoje ngele gua luuda oh o gujogica shike? Uuna u uvite u noondjo, matukila komucima guombinzi ngu joge omuenjo guoje mombinzi ndji jOmukulili. Oshilonga shajo osho shoku tu joga oondjo noku tu jelica. Imo diladila ongoje ua guana okuhumbata oondjo doje, aue, odo cdi noonkondo oku ku ninginica muule meso ngele ino matukila ku Jesus

H. Jakob Emvula.

Efatululo: J. A. Ng. 19. 10. '53.

Kaantu jokEunda, nokUukolonkathi, nokUukualuuthi nOmbalantu.

OMAKUNDICO.

Otandi mu njolele omolu iipakete niitumomua ja tumua kookume keni momashina nomomakambamba. Ofuto jokuendica oja futilua ashike sigo Ondangua. Omua li mu nokuiila iipakete jeni huka ne jene. Iilongo jeni kaji na natango iihauto jilongo, oshoka aantu jeni ajehe ihaa fendele iifendela jauo. Ano moshikeca sheni kamu niimaliua ja guana. Iipakete ohandi ji mu tumine nomahauto gandje muene Ihe inandi pandulua nande. Oshimati shimue shoshitjani, shomOmbalantu, osha pulua omoluashike inashi eta iikuni kokamba jandje sho ti ile oshipakete she, okua ti okua futa nale iimaliua jondjila nojofraha. Jamue jomaaambo otamu ilongo unake epandulo otali ti ngini no tamu ji mondjigilile jokupandula omajakulo mue ga peua.

OMUHONA NAKALE.
Ondangua,
Ovamboland, 1953.

OKAANDJETU

Momukuetu ihamu njanjangidua omahokololo aanjoli jago ngele ihaa tsejika. Ehokololo ndika tali landula, otue li tuminua kUukualuudi, nomunjoli ina njola edina lje pehulilo lje hokololo, ihe molua shoka natse uo tua kundana oondjamba nkene di li po odindji shili kUuninginino, onke tatu njanjangida nena ehokololo ndika. Ihe ngele ano ua hala ehokololo ljoje li njanjangidue ino dimbua oku tu hololela edina ljoje na ngele ongoje omulongi nenge omuhungi shi holola uo.

OONDJAMBA MUUKUALUUDI.

Nuumvo mUukualuudi mua holoka oondjamba odindji di vule doka hadi holokamo shito. Na odo odi li po tadi longo iilonga jiihuna nokuli. Mokuholoka kuado moshilongo ohadi ja mo ecimbo ljongulohi etango sho lja ningine, tadi kongo omeja, esiku limue ohadi ja mo nokuli manga etango inali ningina. Oda mana mo omeja agehe momatale getu notua tameke okuhupa omicima. Ihe nantango inashi kuaca sha oshoka kehe esiku aantu otaja ada omicima da filuapo sheke. Esiku kehe aantu oje nokuhupa opo ja mone omeja.

Odo otadi kunduka nomagumbo gaantu jamue, onke aantu oja tembukile komagumbo goojakuuuo opo ja vule okuikoleka. Otadi teja omiti, omigongo, omije, omikuiju nomilunga. Kapu na ue'ngoka ha vulu okuenda mUukualuudi etango ljongulohi oshoka oondjamba odindji noonkondo. Da tsa kuumbugantu sigo okuumbangalantu no luokuuninginino uoshilongo. Ouindji uado inau monika nale muka mOuambo jetu, iihuna shili.

Eti 21 September 1953 oda dipaga nokuli omusamane gumue a kulupa guomimvo 87. Oje omukriste nokuli. Okua adika kokuti ta kongo iikuni je. Oje okua adika a keke oshikuni zhimue, ohaluka manga ta keke oshiti oshitijali, ondjamba ju uluka kp, je mu ukilila. Okua cigi po oshikuni a ji ontuku. Ngika okua matuka ouala omanta gatano nokua kuatua. Oje mu denge niiti sigo a si. Oshiponga osha zi mpoka sho a zi megumbo ongula manga oondjamba inadi ja kokule. Oje okua jongolua komatango. Omukulukadi sho kua mono omusamane ina galuka mbala, okua lombele aantu: „Ileni mu ka konge omusamane guandje, nkene a ji nale ongula kokuti! „Aantu sho je ja po oja ada omusamane a sa nale, oja kucapo ouala ekuja nekatana.

Oda dipaga isheue oongombe ne kuusita Aasita sho taja lica, kaje na nando ombili ja guana. Eeno, elaka ljomukulu guonale otali tsu, sho ta ti: „Ja kolongua ihaji ilala. „Ualjeuo sho tashi ka kala koomuedi dokomeho mUukualuudi,

ONDONGA.

Omukuaniilua E. J. Kambonde Namene okua hokua okuhumica komeho oshilongo she. Oje kee shi omukuaniilua guomeholamo, okui iholola mokati kaantu a tsejike ku kehe. Oluindji okui icana aantu ajehe joshilongo she moshigongi sha lukua: „Oshigongi shoshilongo! Moshigongi moka okua pukulula aantu je piinima ojindji. Momapukululo ge tamu monika ohole je okuhola aantu je. Oshigongi ohashi tamekua negalikano no hashi hulicua uo naljo.

Oohapu doshilongo ohadi tokolua komalenga haga gongala kuua etine nitetano ljoshiuike kehe opo oohapu duucue komakana goonzapo ojendji.- Moshigongi muka oku uca uo aasitagongalo jopuushiinda Olukonda nOntananga ja kala taa holoka okueta mo, „omongua“ oohapu da Kalunga. Oshigongi tashi tamekua noandaha no tashi hulicua neuvico negalikano. Miigongi mbika tamu dimbululua: Uulunde ua lundu, okuaavulika kepangelo kua vuka, omajugacano n s t. ihe omukuaniilua nomalenga oga dimbulula, oondunge dokulela nokupangela odo oohapu da Kalunga nesindano okekuaco lja Kalunga alike.

EPANDULO.

Egongalo ljokOntananga otali pandula Kalunga sho kua longica omumati Teofilus Anguku. Omumvo 1952 Teofilus okua penducilua ehala ku Kalunga. Fil. 2. 13 a konge egongalo ljaandjauo olamba (stoomlamp) ndjoka ja lukua „Shihualala.“, notundi onene padiladilo lje, okua ti otundi jongerki. Okua tameke okuhija ngalo mu Swakopmund, nokua lombuele egongalo uo li hije ngalo no ngele lje ji mono iimaliva li ji tume kuje ku Swakopmund. Egongalo inali shi vula oshoka lja adika muupjakadi uongalo doompumbue dilue degongalo. Teofilus okua kambadala okuja pomuntu nomuntu mu Swakopmund a hehele mo miigongi joojakuuuo okue ja kudile ngalo je ndjo. Mongalo ndjoka aagandji ja tula mo £ 1. 1. 2 1/2 d. Olamba otaji koca £ 4. 7. 9. Onge Teofilus a gandja £ 3. 6. 6,5 sho kue ji landa okue ji tumica niimaliva je 10/-. Mbjoka Teofilus a gandja opo tuu egongalo ljaandjauo li mone Shihualala. Olamba ndjoka otu ji na ngashingeji ja tema mongerki jetu, oh oja toka tuu to. Uujelele uajo tau uvica tau ti: Aantananga „Osho ngeji uujelele ueni nau jele montaneho jaantu ajehe ja mone iilonga jeni iuanaua no ja ka hambelele Oho jeni jomegulu.“

Omumati Filemon Jengombe sho kua kundana omusitagongalo ljaandjauo ota longo kee notundi, okua tokola mu Walvisbay a landele omusitagongalo ljaandjauo otundi £ 10. 10. Omusitagongalo sho kue shi uvu okue mu njolele kaa lande otundi ji nondilo, ji cike mpo. Filemon okua tumu ejamukulo notundi jo ene ndjoka ja landua £ 10. 10. Otundi ndjika inaji longicua mOntananga amuke oja longicua momagongalo agehe moka omusitagongalo nguka okua ende. Ja fa taji uvicile aluhe omusita nguka taji ti: Ecimbo oli nondilo li longica mokuhokololela ajehe ehupico, ku ajehe taji ti. „Otundi ja cikana mu penduke moomposi, ombushiki oje ngu ileni mu ke mu tsakanekke. Otundi ja cikana!“

Ontananga 20/10'53

ETSEJICILO:

Omusitagongalo guokOkaku (Omulilo) okua dimbulula etokelo ljoombapila dookuume aanjoleli je onke ta gandja oadris taji vulu oku di cikica mbala kuje ojo ndjo:

Eerw. Risto Uushona
Okaku Omulilo
c/o Eerw. Abisai Henok
Onandjokue

Omunjoli gomOuambo nge ta njola ngeji ombapila taji ciki kuje etihamano ljoshiuike kene shaa tu ja adika ja ciki komusamane Abisai Henok kOnandjokue ngo e nokumona Omukakumulilo shaa etihamano.

Omakundilo gombili komukueni muuehame nomoshilonga R. Uushona.

OMAKUNDO.

Nehemia Abraham Windhoek, S. J. Antonie Mariental, Jafet Nuujoma Kaapstad, Benjamin Adolf Oranjemund, Silvanus Andreas Usakos, Julius I. Oranjemund, J. K. Kambonde Ariamsvlei, Abraham Amakali Luderits, Kristian Samuel Windhoek, Samuel Moses Ariamsvlei P. S. Shimali Swakopmund Arkelaus Jakob Grootfontein, Kornelius Neliua Otjiwarongo, Eduward Nekuaja Omaruru, Abraham Shinjemba Tsumeb, Levi Elifas Kaapstad, G. Nuujoma Kaapstad, Wilhelm Hamuele Windhoek, Sakaria Job Onajena, Jesaja Sakeus Orangemund, Lissias Uguanga Tsumeb, Absalom Angula Otavi, na P. K. Negoli Walvisbay, otaje mu kundile po.



- KOntananga: Mateus Eino jEngombe, a si 24. 8. 53, Kristofina Katrina ja Mushima, a si 15. 9. 53. Martta Jason, a si 8. 9. 53.
- KOshitaji: Katrina Jason, a si 23. 8. 53. Konstantinus Pokolo, a si 26. 8. 53.
- KEdundja: Immanuel ja Jonetan Siuaju, a si 29. 8. 53.
- KOngandjera: Kleopas Iijambo, a si 20. 8. 53. Tobias Amunjela Shicigona, a si 3. 9. 53. Paulus Sheepo, a si 4. 9. 53. Matteus Namulo, a si 17. 9. 53.
- KOLupala
KOkavango: Paulus ja Moses, a si 22. 8. 53. Wilema ja Aisindi, a si 3. 9. 53. Shakaria ja Mujeu, a si 17. 9. 53.

OUNJUNI TAU HAPULA SHIKE?

Omuhona a kula.

Ngashi Omukuetu te mu hepaululile mu Oktober omuhona a kula uomu Windhoek oje kua lengua nokua tembukile mu Pretoria a kale mepangelo lomuUnion, Onge hano pua li pu nokuhoololua omuhona mupe kokutja administrator. Opaime kua hoololua nokuli. Edina laje Viljoen. Nafje jo tue mu halele enangeko noupuna la Kalunga opo a siive okupangela naua novanu opo va kale nombili noshilongo sha Kalunga shi mone omito okutandavela naua.

ONDJILA JOKOLUTENDA.

Opomafiku aa pua kundafanua luhapu ondjila ojo jokoluteda jokudja ku Usakos nokuja ku Tsumeb ji lundululue ji ninge ja kula ji fike pamue neendjila adise dikua opo omasina makula a siive okuja fijo ku Tsumeb no ku Grootfontein. Esi sa hovelua okukundafana paime mbela eedula dimue esi da pita tasi ka tuakanifua tuu. Oso hatu teeleele si ningue nga.

OUTALALA UHAPU.

Ohatu siiva Ombimbeli numbi taji tu lombuele omakakamo edu neemaue, netango nokuli tali ka shituluka n. s. t. efiku Omuene eshi la ehena popepi. Paime hatu uudu nokuli omadidiliko aa keembinga neembinga. MuGreka edu la fa la ekama okanja kalo ndele la fudikile mo ovanu vahapu. Omakakamo edu a uudika mounjuni pomafiku aa mahapu. KuUnion outala ua handuka neengono. Eedi adishe dini da fja no ngashi mu Naauwpoort mua fja eedi da kula 90 meetundi dimue adike omepo idju ja talala eshi ja denga naji.

EEFIJE 75, 000 MU KOREA.

Oita taji etele aluse ovanu oihuna. Mu Korea oita esi ja denga ko omido natu ja dipaa ovakulunu vahapu nounona vanini va fiua po ngaho, Oso ngaha mu Korea mu neefije omajuvi omilongo hejaali nanano. Ovapofi ve li ko omajuvi omilongoine novafitondaka omajuvi omilongonatu n. s. t. Oita ja hanauna po eengerki 300. Ojo ajise oiponga joita. Oihuna ngaho!

OUNJUNI AUSE UA HALA OMBILI.

Ovaministeri (omalenga) 9 vomu Europa va tuma komuhongi Buchman elaka a kendabale okuifana ovapangeli avese va kula mosiongalele opo va mone omito okukundafana ombili jounjuni paandjovo da Kalunga. Omuhongi ou Buchman okua kendabala ovanu va ehene ku Kalunga ndele va ehenafane jo momepo ikuakriste. Edina laje la tumbala mounjuni ause uapama. Oso ngaha kua kumaidua ndele tatu teeleele ngenge te si ningi jo.

OUPAANI UOPAVAALI.

Omuhongi Luthuli, ou a dalua mu Rhodesia, oku uudifa mosiongalele sonumba kua ti ngaha: „Oupaani uanaale ua nangala eemuenjo dovanu omido dihapu. Paime ovanu vahapu va nakuka ko. Ndele ne nando si li ngaha vamue va hala okusuna ko vaali ndele vamue ve hoole okutaambula oupaani ou uovatiliane tau di kuEuropa. Oso ngaha oupaani uapavaali tau tu kundukida. Osike tasi tu hupifa? Evangeli la Jesus Kristus olo alike. Olo li neengono lokufinda oupaani uovalaula uanaale. Nolo tuu olo li neengono jo oku tu amena koupaani uovatiliane u he tu dipae. Tu pii mo hano evangeli la Kristus Jesus.“ Oso a ingida ou a dalelua mu Afrika.

KRISTUS HA SITULULA.

Omunu umue omutiliane ou ha seke Kalunga ndele ha dini osilonga sevangeli okua lombuele efiku limue ohamba omulaule omukriste ta ti: „Mu Europa oukriste ua fiua po naale nokuli novanandunge kave hoole okulitavela Kristus osesi oje ita dulu sa.“ Ohamba omulaule okue mu ulikile omunda ei ja li popepi nondjila no kua ti: „Omundainja u ji uete ndi si. Fimbo inatu siiva Kristus ovakuatua vetu avese tue va dipaa ndele tue va jofa komunda ei. Ame ngeno ngi fi omukriste nave jo nde ku jofa ko paime. Ndele ne paime Kristus kua sitululange onge hano hai ku taambula ndele hai ku liningile osiso naua.“ Omutiliane omukeenakonasakanalunga kua fjohoni ndele kua muena.

OUKUABUDHA.

Ngasi oupaani oukuaeuropa ua hala okulala Afrika oso jo oukuapaani oukuabudha ua hala okulala omadu omu Asia. Ovakuabudha ovo ovapaani hava kalele osikalunga savo edini laso Budha. Oso si li pomafiku aa ngasi pomafiku a Jesus. Oje esi kua uudifile ovanu osilongo sa Kalunga kasili oso jo ondiaboli ja ongela eengudu daje. Paime ovakeenakonasakanalunga novakomunisti hava kondjifa osilongo sa Kalunga ndele hava kuata ovakaleli vaJe ngasi mu Poland no ngasi mu Duisland lokousilo. Ndele ne pomafiku aa ve noku va mangelula nokuli vahapu osesi tava njengua. Ovafitaongalo novakriste ovo omapenda neengono.

OSIONGALELE SOMU HAMBURG.

Ovakriste ovanduisi va ongalele mosilando sa Hamburg va ninga osiongalele savo. Okua ongala ko vahapu, 250,000, hano omajuvi omafeleavaalinomilongoitano. Hano vahapu ounene. Ove dule ovambo avesevесе ngeno va ongalele ponele jimue koilongo ajise. Osipalanjolo sosiongalele osa li „Inamu ekelesi elinekelo leni“ (Heb. 10:35.), Mosiongalele oso mua kundafanua oinima ihapu ndele mua uudifua omaudifo a huameke eemuenjo dovanu.

Omupangeli uosilongo nelenga laje a kula va uudifa jo mosiongalele oso. Oradio ja tandavelifa eendjovo dosiongalele koilongo ihapu fijo ku Amerika ndele fijo ku Australia. Oita ja hanauna po sihapu ndele ne omusjakano ua Kristus tau mangele kumue ovanu. Oso ngaha ombili jounjuni tau tungua.

EEDILA DOKUUDIFA.

Omahanganotumo amue omakualutheri oimu Amerika a hovele okulongifa omasinadila ku Libelia, ku Guinea no ku Alaska ovahongi opo va siive okuendelela mokutuala evangeli lehupifo keembinga adise ndele opo va siive okufika kese tuu onele nando ondjila jako inaji kokolua. Ovakeenakonasakanalunga ve nonapo ndele ne evangeli nalo jo li neulumo onene.

EGYPTI.

Mu Egypiti mua totua „Ehangeno lokuhupifa eemuenjo dovanu.“ Ovakriste omajuvi omulongo oso va hangena ndele va uudafana oinima itatu. 1) Ova hala okuudilila ovapaani evangeli. 2) Ova hala okujakula omaumbo aa a kala moluhepo ludju. 3) Ova hala okuhanganifa ovakriste avese.

KONGO.

Omuhongi uonumba kua uudifa momukunda umue omafiku amue. Omukainu umue omupaani kua papuduka ndele kua taambula Jesus momuenjo uaje. Opuu pita eedula 7 komukunda ou inaku jiua nando komuudifi. Ndele ne kombada eedula odo omuudifi umue e uja vaali nokua haluka neengono. Okua hanga ko ovakriste 500 Ova dja peni ava. Omukainu ou e va hepaulile Jesus nokue va longa. Momikunda detu ngeno mu novakriste va tja ngaha ngeno nee evangeli la tandavela nokuli naale akuce:

OMAMBO PEESASIONA.

Posasiona Herrljung, mu Sweden, ovanu vahapu va ongala okuteelele esina lokolutenda. Ndele ne va haluka esi ovanjasa ve uja va hovele okuimba nokuudifila ovanu ava. Ndele ve va ifana va ongalele mongereki ji ljafane popepi nosasiona. Oso va ongala ko ndele va hafa ounene. Ovanjasa va tja ngaha omapenda nde Kristus kua mona omito okuhameka eemuenjo davo.

OIUANA TAJI TEUATEUA.

Oso omuprofeti Jesaja kua ti. Noso jo Jesus kua popi (Mat. 24:7.) Oso ngaha ounjuni ause tau mbulukuta. Kau nombili. Mu Sweden mua ongala osiongalele sepapuduko. Omufitaongalo Olen kua uudifa ko no kua ti ngaha. Ohatu pumbua paime epapuduko lasili. Ndele pu nokuningua sa epapuduko li uje. Otete pu nokuningua omaindilo okuilikanena epapuduko li hovele. Omailikano asili taa longekidile epapuduko omalila.

Ovakriste nje ovauambo, nje inamu hala okulifefifa oupaani vonaale ile novapaani vopama, hoveloni okuilikanena eongalo leni epapuduko. Oso ngaha tamu tungu ombili mounjuni ause.

Ngoka ta ada ndje, oje ota ada omuenjo no ti imonene ohokue jOmuua, ihe ngoka ta puguma mu ngame, oje oti imonene oshiponga komuenjo gue. Ajehe mboka je tonde ndje, ojo oje hole eso Omajelet. ga Salomo 8:35-36.

Olje ti ihalele ugoja uesto? Omugundjuka, ikongela oondunge domuenjo, ngashi Salomo okue di ikongele. Omuvale ino eca omuuoje ti imonene oshiponga shokomuenjo noluhepo luokolutu, ihe mu tumina komalongo a kale a hepuluka no a kale te ku hepuluka uo.

Diladileni nkene esiku limue alike kOndangua kua zi omakambamba gaali gu uda ooshako depungu niipaketi jomalapi no jiiyata, najihe ja li je nokushuna ku Windhoek nkoka taji landicua po ku foromenta. Aamati auambo je li kUushimba ojo ja tumine aakuauo je li kOuambo iinima mbika, ihe inaa tseja okunjola edina ljomutaambi nenjolo li shi kuleshua andola. Omuuoje e ku tumine oshipaketi, ihe inashi cika ku ngoje, oshoka kee shi kunjola edina ljoje kombanda joshipaketi. Omuuoje ngiika e ku njolele ombirive, nando ombapila ja ciki ku ngoje, oondunge kadi mo, ku shi shi shoka a hala oku ku njolela, oshoka kee shi kunjola oohapu da jela andola. Oshili ugoja u nik'eso, na ngoka ta puguma moondunge oje oti imonene oshiponga.

OOSKOLA DAAKADONA

Tadi taamba aalongua aape eti 25 lja Januarie 1954
 Oshigambo Omundaungilo
 Engela Ondobe
 Elim Okalongo
 Uukualuudi

OOSKOLA DAAMATI
 Tadi taamba aalongua aape eti 25 lja Januari 1954
 Onguediva Ombalantu
 Engela Olukonda

Ongundu ontitatu kEngela. Aamati mboka ja piti nale mongundu ontijaali moskola jaamati, ihe oja hala okuhumicua komeho natango, ojo otaa taambelua koskola jaamati jokEngela, noko taa dikilua ongundu jauo ontitatu ngashi ja kala no nale moskola daakadona. Komeho oomboka ajehe ja piti mongundu ndjika ontitatu ojo otaa taambelua moseminari. Numvo oomboka ja piti mongundu ontijaali otaa taambelua mo natango.

OOSEMINARI

Oniipa Ongandjera
 Oshigambo

Ongundu jetsikilo taji kala kOniipa kaalongi mboka ja piti mo nale.

Oombapira nadi longekidue ku jele di tuminue komukuluntu guoskola moka omuntu a hala okutaambelua mo. Konga:

- 1) Ombapila jegongalo
- 2) Onzapo joje jonale
- 3) Epopilo ljomulongi guoje no ljomusita no ljomuhongi guaandjeni.

4) Eihokololo ljoje muene, moka to hokolola shoka tashi ku fala moskola andola

Iikulja jauo aalongua je noku ji eta taji ja guanene.

Aakadona je nokueta omahangu nenge epungu oolata 7, kokutja oolata mbaali moshikako shocinge, noolata ntano etejo nge lja cikana.

Aamati oje nokueta omahangu nenge epungu oolata ndatu moshikako kehe, kokutja oolata ndatu moshikako shocinge, noolata hamano etejo nge lja cikana, kumue oolata 9.

Koskola jokOlukonda moka aamati ihaa kala metihamano no mosondaha oje nokueta oolata mbaali moshikako shocinge, noolata ntano etejo nge lja cikana, kumue oolata 7.

KRISMESA ja heda popepi. Aantu taa tameke nokuli okudiladila shoka taja ka gandja omagano. Ngoje ino dimbua kutja MOSTORA JOMAMBO omu na omambo ogendji ga halika shili kaantu. Njanjuda aakueni nookuume koje oku ja pa omambo omagano. Aanona ja hokua unene okambo kauo jene IMBA OMUNONA, taka pula -/9 na mboka ja koka ja pa ando okambo edina ljako OHOLE JOTANGO, taka landua -/6.

Oseminari jaakadona mOngandjera taji taamba aalongua aape esiku 25 lja Januari 1954, otundi 7 ongula. Oombapila adibe odi nokucika kOngandjera manga esiku eti 15 lja Januari inali cikana, odo dika:

- 1) Ombapila jegongalo (ngoka te ja mu seminari, e nokuadika a guanica oomvula 18)
- 2) Epopilo ljomukuluntu, omulongi guokagumbo.
- 3) Enjolululo ljonzapo jokagumbo.
- 4) Eihokololo ljomukadona muene.
- 5) Ombapila jomupangi taji hokolola ngele a kola.

Oumukadona kehe oku nokuisila oshimpuju kombinga jiiija, a kongele oseminari iilja oolata 6 (hamano) momvo, iilja mbjoka te ji futua. Iilja mbjoka te ji eta moshikako kehe oolata mbaali. Ila nokuinekela ekuaco ljOmuua.

Omukuluntu guomuseminari.

KUUME KOJE OMUKUETU

ote ja tuu ku ngoje momumvo tagu ja? Endelega oku ki ilandela oshifo shoje opo u kale ua tseja shoka tashi ka ningua mOuambo muka no miilongo jilue uo. Kuume koje nguka okua hala uo oku ku tsumukumo moondjenda doje uaa loloke mondjila.

EHANGENO, omuuajina guOmukuetu, otali ka holoka uo momumvo tagu ja kehe momuedi omutijaali, ano luhamano. One aalongi mepja ljOmuua, ilandeleni oshifo shika sheni mu kale mu shi shi shoka tashi longua mepja ljeni.

Omukuetu tagu landua mOuambo niicilinga ijaali (2/-) nEhangeno 1/- no kUushimba tapu guedelua ko -/6.

ILENI TU NINGE ECIGACANO mokati komagongalo agehe gOuambo tu tale megongalo lini potamu leshua OMUKUETU kaantu ojendji je vule mboka jomomagongalo omakuauo. Kokuza ketameko ljomumvo 1954 OMUKUETU ta tsejicile omuualu gue megongalo kehe.

One mboka tamu halica iifo mbika tu tsejicileni omuualu guajo ngashi ja landua kaantu, ano omuualu nagu kale gu cike paantu.

ONDJALULAMASIKU

jomumvo 1954 oja holoka. Otaji landua nosispenica (-/6).

DESEMBER.

- 1 D. Mika 2:1,2,9,12,13. Jos. 61:1-3,10,11.
- 2 W. 2Sam. 7:4-9. Jes. 62:6-12.
- 3 Do. 4Mos. 24:15-18. Jes. 24:1-11.
- 4 V. Joh. 18:33-37. Jes. 65:17-26.
- 5 Sa. Ehol. 22:12,14,16,17,20,21.

Rom 15:4-13. Luk. 21:25-36. Mal. 4.

- 6 S. Os. 2 jomu Advent.
- 7 M. Jes. 26:1-12. Hos 2:19-20.
- 8 D. 2Tess. 3:1-5. Joel 3:1-5.
- 9 W. Ehol. 2:1-5,7 Amos. 9:11-15.
- 10 Do. Hagg. 2:1,3-9. Mika 4:1-5.
- 11 V. Ehol. 1:4-8. Mika 5:1-4.
- 12 Sa. Ehol. 3:14-22. Hagg. 2:3-9. Jes. 40:1-8.

1 Kor. 4:1-5. Mat. 11:2-10. Jes. 12.

- 13 S. Os. 3 jomu Advent.
- 14 M. Mat. 11:11-15. Sak. 2:1-5,10,11.
- 15 D. Mat. 3:1-11. Sak. 4:1-6.
- 16 W. Luk. 3:10-20. Sak. 7:4-13.
- 17 Do. Hos. 14:6-10. Sak. 8:1-8.
- 18 V. 2 Tim. 4:5-8. Sak. 9:9-12.
- 19 Sa. Jes. 62:1-3,10,12. Sak. 12:10-13.

Fil. 4:4-7. Joh. 1:19-28. 5Mos. 18:15-19.

- 20 S. Os. 4 jomu Advent.
- 21 M. Jes. 45:1-8. Sak. 14:1-9.
- 22 D. 1 Kor. 2:6-10. Mal. 3:1-5.
- 23 W. Mark. 3:31-35. Mal. 4.
- 24 Do. Jes. 11:1,2. Joh. 1:1-5. Jes. 9:5,6. Jes. 9:1-6. Luk. 2:1-20. Jes. 11:1-5.
- 25 V. Esiku ljOkrisimesa. Iil. 6:8-15,7:54-60. Mat. 23:34-39. Jes. 45:17-19.
- 26 Sa. Esiku 2 ljOkrisimesa.

Gal. 4:1-7. Luk. 2:33-40. Jes 8:9-15.

- 27 S. Os. ja landula Okrisimesa.
- 28 M. Ehol. 12:1-6. Joh. 1:29-34.
- 29 D. Jes. 49:7-13. Joh. 1:35-42.
- 30 W. Joh. 12:44-50. Joh. 1:43-51.
- 31 Do. Jes. 51:1-6. Eps. 111: Eps. 121.